

نومرو : ۱۴

حزيران ۱۳۲۶

ايکنجي سنه

علم حقوقي مقاييسه قوانین مجتهد و عکری

مرآی نشر اول نور

مؤسس وصاحبی

کور ملجنه مبهرنی : محمد عارف

قاپیتولا-سیونر

یاخود

عهد قدیمه

صدر اعظم حق پاشا حضرت تری

— مابعد —

۱۷۴۰ تاریخ میلاد یسنده ویریلان صوک فرانسه قاپیتولاسیوننه کلنجه: [۱]
 بوده سکان بش ماده دن مرکب بر فرماندر . فقط شو فرمان اگر درست
 یازمش اولسه آنجق یکر می . اوتوز ماده تشکیل ایدر . ایچنده تکرار ، تکرار
 یازمش شیرل واردر . سفیرک طایله دولنجه اجرا ایدلسی ملتزم اولدینی
 اکلشلسون دیه بعض مواد مکرراً یازمشدر . والحاصل سکز معاهده نك صو-
 کنجیسی اولان بو ۱۷۴۰ فرمانی خلاصه اولنورسه حاوی اولدینی احکام یکر می
 اوتوز مادهنی بولمز . بناء علیه بو کونکی تطبیقاتی ایله بو فرمانی مقایسه ایدر سه
 ایچندن بونجه احکامک فصل چیقارلدینی اکلایه میهرق تعجب ایدرز . حالوکه
 بو احکام بیوک بر سیستم اولمش ، تفسیر ایله هر شیئه تطبیق اولنور . امور
 عدلیه یه دائر اولان ماده لر آنجق یدی سکز ماده دن عبارتدر ؛ که بو کون
 بونلردن چیقاریلان احکامک بو ماده لرله تطبیق ، توفیقی قابل دکل . زمان

[۱] قاپیتولا-سیونر کله سی بو فرمانه علم اولمشدر . اجنبیلر شرقله اولان بو قبیل فرامین
 و معاهداته بو نامی ویرمشلردر کرچه بو کله نك بر مملکتک تسلیحی کبی دیگر بر معنای
 وارسده بوراده او دکلدز .

اراده ونظام معنانه درکه شارلمان زمانده کی نظامده (قاپیتولر) دینور ایدی .

بویله یا میس ، اجنبی ادعاسنك . تفسیرینك قبولی ؛ بزم نقصانلرمز تدریجاً بو امتیازاتك احكامنی توسیع ایتمش . . . دیمك ایسترزكه بعض مواد بو کونکی حال ایله قابل توفیق اولمه مقله برابر اساسه طوقونلماق ، اوله تفسیرات عنیدییه کیریشمه مک ، یالکیز یازیلی اولان مواد احکامی اجرا بولنق شرطیله دولت بو کون بو امتیازاتی اصفا ایتمکدن چکنمه ملیدر .

چونکه بونلرده يك چکینله چك بر شی یوقدر . اصل بونلری مضر بر حاله قویان هپ او تفسیرات ، او تطبیقات عنیدییه در .

بر آز اول دیدیکمز کبی فرانسه قایتولاسیونلری سکزددر :

۱ . — (۱۵۳۴ میلاد ، ۹۳۴ هجری) تاریخده فرانسه سفیری (ژان دولافوره) طرفدن استحصال و سلطان سلیمان قانونی طرفدن اعطا اولمشدر . فرانسوا استادی امرده اتفاقک اساسلرنی قرارلاشدیرمق اوزره خفی برسفیر اعزام ایتمش ایدی . (ژان دولافوره) صکره دن ، آچققدن کوندردیکی سفیردر . سلطان سلیمان قانونینک اواخر سلطنتنده فرانسه ایله اولان مناسباته خلل کلمش ایدی . ایلك اتفاقک حکمی محافظه ایدیله میوردی . فضله اوله رق فرانسوانک سلطان سلیمان ایله اتفاقی غلیان تعصبی موجب اولمش ایدی . فرانسوا بو اتفاقدن طولانی تقبیح اولنیوردی . ذاتاً اتفاق طرفدارلری ده سلطان سلیمان ایله دامادی صدراعظم ابراهیم پاشا ایدیلر . سلطان سلیمانک وفاتیه آرتق اتفاق تعقیب اولمندی . مناسباته ده خلل کلدی .

طقوزنجی شارل زماننده بومناسباتک تجدیدی ارزو اولندیغندن استانبوله (قلوددوبورغ) اسمنده بر سفیر کوندرلمش وقایتولاسیونلرک ایکنجیسی استحصال اولمشدر .

۲ . — ۱۵۶۹ تاریخ میلادیسنده سلطان سلیمان ثانی طرفدن ویران فرماندر . بوفرمانده بر ماده وارددر ؛ که يك مهمدر . اوده اجنبی کیلرینک سواحل عثمانیه ده آنجق فرانسه بایراغی آلتنده سیر وسفر ایدمه چککیرینک تصدیقیدر . بو ؛ اوله بر حقدر که طبعی هیچ بر حکومت دیگرینه بویله بر حق ویره مز . دیگر ملکتنلرک هیچ بری کندی بایراقلرنی آچه میه جق . یالکیز فرانسه بایراغی قوللانه جقلر ! . . .

بو ماده سایه سنده فرانسه او وقت بیوک بر موقع قازانیوردی . بوندن صکره لهستان طوغریدن طوغری به اداره عثمانیه به کچمه مش ایدی . فقط دولت بر خیلی مدت اوراسنی تحت نفوذنده بولندیردر ، حمایه ومداخله ایدردی . فرانسه قرالی اوچنجی هازی له قرالائی ادعاسنده بولندیغندن بوزوشم قلعهمزی موجب اولدی . ایشه بو زمانده در ؛ که انکلتره اوچنجی هازینک مدعیاتندن وبو سببله حاصل اولان انفعا لدن استفاده ایدرک ایلک دفعه استانبوله ایلچی کوندردی وانکلیز بایراغنی حامل اولان سفائنک سواحل عثمانیه به کلمی مساعده سنی قرالیچه ایزابت زماننده استحصال ایلدی .

بو صورتله انکلتره معاهده سی بر آز مؤخردر . بونک اوزرینه اوچنجی هازی تلاش ایدرک (بارون دوزرومال) اسمنده بر سفیر کوندردرک اوچنجی قایتولاسیونی استحصال ایلش ایدی .

۳ . — ایکنجی قایتولاسیوندن اون ایکی سنه صکره یعنی ۱۵۸۱ تاریخ میلادیسنده سلطان مراد ثالث طرفندن اعطا ایدلمشدر . بو قایتولاسیون ایله فرانسه ایکی نوع منفعت تأمین ایدیوردی : اولاً ؛ انکلیزلرک نائل اولدقلری مساعده نی کری آلدیرمق — انکلیز کیلری ده دول سائر کیلری کبی فرانسه بایراغیله سواحل عثمانیه ده طولاشمغه مجبور اولملری — . ثانیاً ؛ فرانسه سفیری تشریف اتجه دیگر سفرایه تقدم ایتک . بونک سببی ده فرانسه نك دولت علیه چه امپراطورلق عد اولنمسیدر . بو ، شایان دقت بر شیدر . فرانسه هر نه قدر قراللق ایدیسده برنجی فرماندن صکره کی فرمانلرک فرانسجه سنده امپراطورلق عد اولنش واوله جه یازلمشدر . فرمانده «استانه سعادت اشیا نغزه ده مقیم فرانجه ایلچیلری دیوان بلند ایوانغزه کلدکرنده ووزرای عظام و مشیران ذوی الاحترامغزه واردقلرنده اسپانیا وسائر قراللرک ایلچیلرینک اوزرلرینه قدیمدن اوله کلدیکی اوزره تقدم وتصدیه ایلر .» دینلمشدر .

۴ . — دردنجی قایتولاسیون سلطان محمد ثالث زمان سلطنتلرنده ویرلش ۱۵۹۸ تاریخنده دردنجی هازی طرفندن استحصال اولنمشدر .

باقیکز ! معاهدات نه قدر صیق صیق تجدید اولنیور . بوندن ده اکلا شیدورکه بویلر ابدی شیلر دکل ایدی ، تجدید اولنغزه حکمی قایلمجق ایدی .

۱۵. — سلطان احمد خان اول زماننده ۱۶۰۴ تاریخنده استحضال اولمشدر .

بو اولجه ویریلن امتیازاته شایان اهمیت اوله رق علاوه اولتان جهت قدسه کیده جگ فرانسه ره بانک فرانسه حکومتی طرفندن حمایه ایدیه جگ کرسنک تصدیقندن وسفرا ایچون کله جگ اشیا نك رسم کرکدن معاف بولمیشدن عبارتدر . کرچه رسم کرک مسئله سی حقوق دول قواعدنه موافق ایسنده ره بانک حمایه سی ماده سنندن بیرک مسئله لر تولد ایشدر . فرانسر لرك شرقرده قولیک حامیلکی مسئله سی دردنجی و بشنجی فرمانلردن باشلا یوز . آرتق بو مسئله هر معاهدهده تجدید اولمشدر . حتی قریم محاربه سی اسبابندن بری د. بودر . برلین معاهده . سنده دخی بو حمایه مسئله سی تأیید اولمشدر . دولت علیه نك اخیراً روماده سفارت سنیه تأسیس ایدم چکنه دائر اولان حوادث غزیه لرده موضوع بحث اولمشدی . فقط فرانسه نك تصدیق اولان شو حمایه سنه قارشی دولتک پابلق مقامه مناسباته کیریشه بیلوب کیریشه میه چکی موجب تردد اولدی . خلاصه قانونیکلرک حمایه سی مسئله سی مسائل شرقیه نك ک بیوکار ندندر . بوندن صکره فرانسه ایله یته مناسبه عز کرکینلشدی . دردنجی هزاریدن صکره فرانسهده احوال داخله تشویشاتی ۱۳نجی لوئیک قرونٹ محارباتی وار ایدی . اوصردم انکلتزه . ونديک و قلمنک حکومتلری دولت علیه ایله معاهده عقد ایتدیلر . بو معاهده لر موجبنه آرتق فرانسه بایراغنی آچق مجبوریتنده بولموردی .

۶. — نهایت ۱۴نجی لوئی زماننده بر سفیر دها کوندلرلش ، ۱۶۷۳ میلادی و ۱۰۸۴ هجری تاریخنده یعنی اولکی فرماندن الی طقوز سنه صکره سلطان محمد رابعدن آلتنجی قایتولاسیون استحضال اولمشدر .

آرمدن اوزون بر مدت کچمش ایدی . طبعی فرانسر لرك سیروسفر انحصاری اعاده اولمندی . دولت دیگر لر یتهده باغلاشم ایدی . شو قدرکه کرک رسمی یوزده بش ایکن یوزده اوچه تنزیل اولمندی . کذلک فرانسه نك کندی ملتندن اولان ره بانکی حمایه ایدم چکی بو فرمانده دخی تأیید وتصریح اولندی .

بو معاهده تأثیر اندنדרکه فرانسه بحارنی جوق آرتدی . مقداری شایان دقت بر درجه بی بولدی . او وقت ز غروش شمدیکی قیمته نسبتله خیلی باده

ایدرکن ۱۶۸۲. تاریخنده آلتوز بیک غروش محمدین اولتان فرانسه تجاراتی
 ۱۶۸۵ تاریخنده درت میلیون غروشه چیقمش و ۱۷۲۰ تاریخنده اون ایکی
 میلیون غروشه بالغ اولمش ایدی. ایشته یو ترقیاتی عقد ایدیلمن معاهده‌نک
 تأثیرینه حمل ایدیورلر. ۷. یانجی قایتولاسیون ۱۵. نجی لوتی زمانسیده و ۱۷۴۰ میلاد
 و ۱۷۵۳ هجری تاریخنده سلطان محمود اول طرفندن ویرلمشدر؛ که فرانسه ایله
 عقد اولتان امتیاز معاهده‌لرینک صوکنجیسیدر. دولت علیه‌نک روسیه ایله حرب ایتدیکی، برزمانده ابتدا توسط و بالا خره
 بحربه اشتراک ایدن اوستریا درلته قارشی آجیلان محاربه‌نک ختامه ایردرلمسه
 و معاهده صلحیه‌نک انعقادینه واسطه اولان فرانسه بیقیری (مارکی دو ویلنو)
 شو توسطی سایه‌ستده فرانسه‌نک موقعی تحکیم ایتمش و بویه برفرمان استحصالنه
 موفق اولمش ایدی. یوقایتولاسیون بوندن اولیکلرک مطالعه‌سینه حاجت برافتر. چونکه
 اولورده نه وارسه تماماً نقل اولمش و بشقه ایکی ماده‌لر دخی علاوه ایدلمشیدر.
 یوقایتولاسیونلرک شکلی قرمان شکنده، یالکیز برطرف سویلیور، معلومدرکه
 معاهده‌لرده تعهد اولتان شیلر ایکی کشتی طرفندن سویله‌نیلر، ایکی حکمدار
 طرفندن امضا اولور. حالوکه بونده یالکیز بر حکمدار حکمایه ایدیور.
 یوقاریدن آشایه فرانسه‌نک شمعی به قدر آلدینی قایتولاسیونلردن بحث
 اولونیور، عهد ایدیور، فقط بوکا قارشی دیگر طرف ایچون برشی سویلانیور.
 مثلاً فرانسه‌ده بزمه معامله کوره جکیز، اوکا دائی هیچ بر حکم یوقی؛
 ایشته قایتولاسیونلرک شکلی بویه‌در، دیگر طرفدن مقابله‌ده هیچ برشی
 اراغایان بر تعهددر. بوندن صوکره دولت اراق قایتولاسیون ویرمدن، بوشکه قالدی.
 ارمدن ۱۶۰ سته قدر بر زمان کچدی. فقط بو آورده نه قدر معاهدات یا بلدی
 ایسه عهد قدیمدن بر بحث، بفرقه قوتلیدی. چونکه معاهده‌نک شکلی
 ایدی ییله اولسه اگر اویدن آره صره بحث اوتمزسه کندی کندینه چورور.

مفسوخ عدد اولنور . آنلر ایچون بردور ، برزمان واردر ، واقعا معین دکلدر فقط آره صره لقر دیسنی ایتملیدر .
 بوندن صکره دولتک فرانسه ایله ایلک مهم معاهده سی ۱۸۰۲ تاریخنده عقد اولنان معاهده در .

معلومدرکه (دیرکتوار) حکومتک رئیسی بولنان (جنرال پونا پارط) مصری اشغال ایتمش ، سوریه یه گلش ایدی . بوصرمده انکلتزه ایله دولت علیه اتفاق ایتملیدر . بوناپارط مصری ترک ایدی ، خانی اولان (جنرال قله بر) اولدی رلدی . فقط بوناپارط فرانسه یه کیدنجه پولتیقه سنی دیکشیدردی . دولت علیه ایله اتفاق ترجیح ایدی . ایشته ۱۸۰۲ معاهده نامه سی بواتفاق سیبیله وجود بولوردی . بومعاهدنک بعض احکامی — که دشمنه قارش یاییله جق شیره عائددر — اوزمانه مخصوص اولدیغندن بالطبع باقی دکلدر . احوال بسبتون دیکشمشدر . فقط بر ماده سی معاهدات قدیمه یی ابقا ایتمکله برابر دیگر بر ماده سی ده واردرکه بوماده موجینجه دولت عثمانیه تبعه سته فرانسه ممالکنده اک زیاده نائل مساعده ملت معامله سی ایدیله جکی تأمین اولونمشدر . واقعا فرانسه ده بزم ایچون اک زیاده نائل مساعده ملت معامله سنی تجارت معاهده سی دخی تأمین ایتمشدر . فقط بویالکمز تجارت عائد اولان شیرله منحصر اولدیغندن ساثر معاملات شامل اوله مز . بز اک زیاده بومعاهده یه استناد ایده جکمز ایچون بومعاهده یی باقی عد ایتملی ز . منفعت مزه بوجهت ده موافقدر . فقط عجبا بومعاهده باقیمیدر؟ ... بوده بر مسئله در . فرانسه حکومتی ده بومعاهدنک باقی اولسی فکر نده در . چونکه بشقه بر معاهده ایله بومساعده یی آله مامش . کرچه کن دیسنک قایتیولاسیونلرله برچوق امتیازاتی واردر . فقط یارین بر مسئله چیقارکه اونده فرانسه قایتیولاسیوننده برجهت تطبیق بولنمادینی حالده بشقه بر دولته او یله برمساعده ویرلش اولور ؛ اگر بویله بر معاهده یی باقی عد ایتمسه بومساعده دن استفاده ایده مز . بناء علیه بوکا دائر بحثلر جریان وبومعاهده یی فرانسه دخی باقی عدا ایتمشدر . بز ذاتاً فرانسه یه دیگر حکومتلردن اشاغی بر معامله ده بولنه میز . اوحالده بومعاهدنک باقی عد اولنسی بزم ایچون خیرلیدر . فرانسه ده عندالحاجه دیگر لرینک حقوق و امتیازخی طلب ایده بیلور .

برده بونک منفسخ عد ایدلمسندنه بر سببده یوقدر . بر معاهده نك بعض موادى اجرا اولمغله (اولمغله) اونك بستیون اجراسز قالمسنه سبب یوقدر . باخصوص صوك بر معاهده واردركه بشقه بر دورك محصولیدر . اوند (فرانسه نك عقد ایستیکی معاهدات باقیدر) دیه یازلمشدر . اوحالده بومعاهده دخی باقیدر . بوملغادر ، دیه بر فقره ، بر صراحت یوقدر . والحاصل ۱۷۴۰ قاپتولاسیونی فرانسه ایچون بر جوق امتیازات بخش ایتش و ۱۸۰۲ معاهده سی دخی فرانسزلر ایچون اك زیاده نائل مساعده ملت معامله سی تأمین ایلمه مشدر . بوندن صكره فرانسه ایله اولان معاهداتمز هپ بشقه بر فكره خادمدر . معاهدات تجاریه مز واركه بونلرده قاپتولاسیونلری قالدیرمق نتایجیدر . بونلر بشقه بر دورك محصولی اولدینی ایچون ایلریده بحث ابدجكز .

اوستریا

اوستریا دخی بزما اك اسکی مناسباتده بولان بر دولندر . بر مطالعه ابتدایه اوله رق سوبلیهیم كه دولت علیه نك اوستریا حكومتی نایله بر معاهده سی ، طانیلمش بر امتیازی یوقدر . دولت علیه نك اولباده معاهدات ومناسباته کیریشدیکی بشقه بر دولت در؛ كه اوده بوكون آوستریادر . حتی بر آراق بر فكر ایشتم قابل اثبات اولدینی حالده بارلاق وكوزل دوشونلش : اوستریانك دولتعلیهده هیچ بر قاپتولاسیونی یوقدر ، بر عاقدك عقدندن دیگرى استفاده ایده مز (حقوق عقد عاقد راجعدر) دولتك اصل مناسباته کیریشدیکی دولت ، مقدس روما امپراطور لغیدر كه اوده بوكون یوقدر ، بتمشدر .

شخص دكیشمش ، برینه قائم اولان دولته هیچ بر تمهده کیریشلمه مشدر واقعا اوله در ، فقط شیمیدیکی اوستریانك اودولتك وارنی اولدیقه شه اوملدینی كی حكمدارلق خاندانی ده یسه اونلردر ، عینی سلاله در . الجآت زمان ایله بونلر كندیلرینی اوستریا امپراطوری اعلان ایتشلردر . واقعا اسکی معاهداتك بویکی عنوان ایله تأسس ایدن دولت ایچون موجب استفاده اولوب اولمایه جغنده دخی تردد ایدیه بیلور ؛ فقط بوجهت ذاتاً نظری

برشیدند. فعلیانه کنبه : دولت ینه اودولتدر. شخص هیچ دیکشمه مشدر. ذاتاً
بو حکومت اسکیدن بری اوستریا حکومتی ایدی . المائلق عارضی برشی ایدی .
اوعارضیلك قالقنبه ینه اسکی حاله عودت ایتدی . بناء غلبه مقدش روما
ایمپراطورلنی نامه اولان معاهداتی اوستریانك عدائتمك طوغریدر . دولتمزك
اوستریا ایله مناسباتی چوق زمان محاربه دن عبارت ایدی . کرچه آره صره
محاربه دن فراغت ایدیله رك بعض معاهدات عقد اولوردی . فقط بونلر متاركه دن
بشقه برشی دکلدی . دولت چوق زمان اوستریائی مغلوب ایتدی . طبیعی
مغلوب ایدیکی بر حکومت امتیاز و برمزدی . اوستریانك دولتن بر امتیاز آلمسی
ایچون دولته مساوی اولسی لازم ایدی .
بركره اوستریا جدی بر حکومت مستقله اولق اوزره دولتنه قبول
اولغامش ایدی . حتی اوستریا محارباتی مشوقلرندن بریده بوعدم مساوات
فکری ایدی .

نهایت (زیدوه طوروق) ۱۰۱۵ هجری ۱۶۰۶ میلاد معاهده سیله تمجه لینك
سنوی و برمكده اولدینی اوتوزیمك آلتون ویركو هدیه مناسبه غیر معینه یه
تحويل اولغش و اوستریا مستقل حكومت عداولنه رق اولوجهله احترام ایدلمشدر .
[اوستریا قرالنه آندن صكره قرال دینامیوب رسماً روما چاری دینامسی
احكام معاهده دن ایدی .]

[قارلوفچه] ۱۱۱۰ هجری ، ۱۶۹۹ میلادی معاهده سیله ده اوستریا به بعض
اراضی ترك اولغمشدر . معافیه اوستریا كندی تبعه سی ایچون ینه بر طاقم
امتیازات ایسته میوردی . بوراده کی تبعه سنی ینه فرانسه قونسولوسی حمایه
ایدیوردی . ویركو و هدیه به دازده اومعاهده ده هیچ برشی قاله آلمدی .
شوه حاله بو ایکی معاهده نك تأثیر یله اوستریا دولته قارشی بر دولت مستقله
اولدی . بوندن صكره آنلر ایچون بر غلبه لازم ایدی كه امتیاز استحصا
ایده یلسون ! ۱۱۳۰ و ۱۷۱۸ تاریخله پسار وفچه ده عقد اولانان معاهده
اوستریا ایچون بوموفقیتی تأمین ایشدر . او وقت بری اراضی به ، دیگر یه ده
معاملات تجاریه به متعلق ایکی معاهده عقد اولوندی . تجارت معاهده سنده
بعض مواد مختصره تعداد اولغمله برابر اوستریا تبعه سینه فرانسلرله مثال

امتیازات ویرلایکی مصر حدر . ۱۱۶۴ و ۱۷۸۴ تاریخده دیگر بر معاهده ده عقد اولمش و بونده دخی بر طاق امتیازات تعداد اولمشدر . بر معاهده اوزون بر تجارت معاهده سلیدر . دولتن یکدیگرک تبعه سینه الک زیاده نائل مساعده دولت تبعه سی معامله سی تأمین ایشلردر . ۱۲۰۵ تاریخ هجری سنده مهم بر معاهده ده وارکه بونده یسار و فچه و ۱۷۴ معاهده لری تجدید و تأیید اولمشدر .

فرانسه قایتولاسیونلری ایله بونلر آرد سنده فرق واردر . فرانسه قایتولاسیونلرنده دولتملیه قونسلوسلرندن ، تبعه سندن هیچ بحث اولنمیشدر . اوستریا قایتولاسیونلرنده ایسه بونلرک بو خصوصاتده معامله متقابله کوره چی تصریح ایدلمکله برابر مواد سازده الک زیاده نائل مساعده ملت معامله سی بخش اولنه جنی مصر حدر . بوکا استناداً اوستریاده بزمده امتیازات وار ، مثلاً قونسلوسلریمز اوراده تبعه مزک ترکه سنی تقسیم ایدرلر . حکومت مداخله اتمه جکدر . واقعا مشکلات جیقار مقی ایسترلر ، فقط مخالفت ایدمزلر . چونکه بو صورتله عهده صراحة مخالفت ایش اولورلر . کذا بزم تبعه مز اوراده ویرکودن ، بانت رسندن ، حرف و صنایع ویرکوسندن معافدر . بویله برورکو المی ایستلنجه دولتک تبعه سی حمایه حتی واردر . چونکه عهداً استحصال ایدلش بر معافیتدر . اوستریالینک ویرمدیکی برورکونی تبعه مز اوراده نیچون ویرسون ؟ ... شاید بالتحقیق بویله برورکو التیرسه قوه غالبیه قارشى برشی دینلمیه جکندن تأدیه سیله برابر پروتوسنی ده ویرملی ، قونسلوس واسطه سیله سفارته اخبار کیفیت ایشلدر .

شوقصیلاندن آکلاشیلور که اوستریا قارشى دولت ابتدای امرده متوحش طاور ایش ، صوکره اولرلر برایکی محاربه ده غلبه جالنجه امتیاز آلمقده اصرار ایشلر . دولتده مقابله آرایه برق امتیاز ویرمکه مجبور اولمش احتمالکله فرانسه قایتولاسیونلرینه بویله بر قید علاوه ایدمه یشمزک رسیدی ده فرانسه ده تبعه مزک عدم موجودی ایدی . حدود مرز اولرک حد و ذیل برلشمیور ، اوستریاده ایسه ده اوز وقت تبعه مزک بولنمشی اقوای مأمول ایدی . بوسیله فرانسه قایتولاسیونلرینک عینی دکل ایسه ده برار فرقی اولمقی اوزره بونلرک امتیاز ویرلشدن .

انگلترہ

دولت علیہ ایلہ مناسباتی اسکی اولان دولتردن بری دہ انگلترہ در . انگلترہ نك ايلك عقد ايتديكي معاهده ۱۶۷۵ میلادی و ۱۰۸۶ هجری تاریخی تجارت و مخادنت معاهده سیدر . انگلترہ نك بومعاهده سی دہ طبقی فرانسه قایتولاسیونلرنده اولدینی کی اسکیدن بری و برلش اولان برحق مساعداتی جمع ایتش و ۱۶۷۵ تاریخندہ شکل قطعینی آلمشدر . بومعاهده نك احکام امتیازیہ سی دخی فرانسه نك ۱۷۴۰ قایتولاسیونی قدر زنکیندر . موادی کثیردر . الیوم قایتولاسیون مباحثہ دائر اوروپا ایلہ دولت علیہ آرہ سندہ ظهور ایدہ جك اختلافات ایچون مراجعت اولنہ جق معاهده لردن بری دہ بودر . انگلترہ دولیلہ برآرہ لقی مناسباتمزه خلل کش . دولت ناپولیون ایلہ اتفاق ایتش ایدی . فقط بوقیصہ برمدتدر . بالاخرہ دولت ینہ انگلترہ ایلہ مصالحہ عقد ایتش و بونك ثمرہ سی اولہ رق برمہم معاهده دہا وجودہ کش ؛ درکہ تاریخی ۱۸۰۹ میلادی و ۱۲۲۳ هجری در . بومعاهده دہ دولت علیہ نك دہ بعض حقوقی ، قونسلسارک موقعی [موضوع بحث ایدلمشدر . ايلك ۱۶۷۵ معاهده سندہ هیچ عثمانلیدن بربحث یوق ایدی . بومعاهده دہ ایسہ انگلترہ دہ کی قونسلسارمرنك موقعی تحف برصورتدہ تصویر ایدلمشدر . ایلریدہ دولتمزك ممالك اجنبیہ دہ حائر اولدینی امتیازادن بحث ایدہ جکمز وقت بومعاهده حقندہ نظردقتکزی جلب ایدہ جکم . بومعاهده دہ کرک مالطہ و کرک انگلترہ نك سائر ممالکندہ ، انگلترہ قونسلسارلرنك ممالك عثمانیہ دہ نائل اولدقلری امتیازاتی حائر اولقی اوزرہ ، دولث قونسلسوس تعیننہ صلاحیتدار اولہ جنی کوسترلشدر . شو حالہ انگلترہ دہ کی قونسلسارمرنك حق قضاسی اولدینی معناسی دہ بولہ معاهده دن حقیقہ جقمی ؟... واقعا بوجہت اکلاشلدن ، شمیدیہ قدر بویولہ تفسیری دہ خاطرہ کلمہ مش . فقط ہر حالہ واسع ودقہ شایان بر مسئلہ در . ایشہ بومسلئہ ایلہ برابر انگلترہ قایتولاسیونلرنك خاطرہ طوتیلہ جق جہتلی بر ۱۶۷۵ قایتولاسیونی ؛ کہ اوندن اولکی مساعداتی طویلامش و فرانسنك ۱۷۴۰

و آوستریانک پساووفچه معاهده لری کبی احکام امتیازیه بی شامل بولنمشدر .
برده یوقاریده سویلدیکمز ۱۸۰۹ معاهده سیدر .

پروسیه

پروسیه یه کلنجه : طبعی بودولتله مناسبتمز اوته کیره نسبتله بر آزو کره در .
ذاتاً پروسیه نك ۱۷ نجی عصر میلادیده بیوک بر موقعی یوق ایدی که دولتعلیه
ایله تأسیس مناسبات ایده بیلسون . پروسیه نك دور اقبالی ۱۹ نجی عصرده
باشلادی . سیله زیانك فتحی ، ماری ترهز ایله محاربات ، یدی سنه محاربه لری
نتایجی . اوستریا وراثتی محارباتی بودولتی جانلاندیردی . بر کره بوصورتله
اوروپاده موقعی تأسیس و تقریریه موفق اولنجه دولت علیه ایله مناسباته
کیریشدی . اصل پروسیه کرک صلحاً ، کرک حرباً روسیه ایله آوستریا
دولتلیله مناسباته بولنیوردی . چونکه ممالک اصلیه سی آوستریا ، روسیه
ولهستان ایله قارشمش ایدی . دولت علیه یه کلنجه ؛ اوده آوستریا و روسیه ایله
مناسبات دائمه ودها طوغریسی بویکی حکومتله حرب دائمی حالده
بولندیقتدن پروسیه ایله روسیه و آوستریا دولتلیرینه عائد ایشلرده علاقه دار
بولونیور وایکی دولت دیکر ایکی دولت ایله عین مناسباته بولنسی بالطبع
بونلر آره سنده تأسیس مناسباته سبب اولدی . پروسیه نك پولتیقه سی آنلر ایله
کندیسی آره سنده کی مناسباته کوره دولت علیه بی یاخربه و یا صلحه تشویق ایتمک
ایدی . ! کر اونلرله آراسی ایی ایسه لهنده توسط ایدر ، عقد صلحه چالیشیر .
اگر آراسی فنا ایسه دولته محاربه یه تشویق ایدردی .
پروسیه بر کره دول معظمه صرمنه کیرنجه دولت علیه ایله مناسباتی
دها زیاده سیقلاشدیردی و اوچنجی سلطان مصطفی زماننده میلادك ۱۷۶۱
و هجرتك ۱۷۴۰ تاریخلی بر تجارت و محادنت معاهده سی عقدینه ده موفق اولدی .
صکره ۱۲۰۴ تاریخنده بر اتفاق معاهده سی عقد ایدلدی که بونده دخی ۱۷۶۱
معاهده سی احکامی تأیید اولندی . ۱۷۶۱ پروسیه قایتولاسیونی دخی انکلیزلرک
۱۶۷۵ . آوستریا لیرک ۱۷۴۸ و یاخود فرانسرلرک ۱۷۴۰ قایتولاسیونی قدر

احکام امتیازی بهی شامل بویوک بر معاهده در؛ که حین حاجتده چوق مراجعت اولنور معاهداندن بری ده بودر . فقط بو معاهده نك فرانسه و انكلتريه و برلنلردن فرقی واردر .

بر کره بو معاهده اويله بر محاربه و یا غلبت اوزرینه یا پلامشدر ؛ اسکیدن بری و برلن مساعدات طوبالانلوت بویله بر قایتولاسیون وجوده کتیرلمشدر ؛ طرفینجه بویله بر معاهده عقدی تصور اولمش . اولنرك مطالبانه قارشی دولت ده بعض شرائط قویمشدر . بناء علیه بو معاهده نك بر طاقم موادی معامله متقابله اوزرینه مؤسسدر . باشنده بش ، آلتی ماده واردر که بونلر موجبجه پروسیا مملکت مزده قونسلوسلری ایچون نه کی امتیازات آلمش ایسه او مساعدات پروسیاده کی دولت علیه قونسلوسلرینه ده ویرلمشدر . واقعا حق قضا مسئله سی تصریح ایدلمش . بناء علیه او جهتجه اجماع وار ایسه ده عثمانیلر ایچون زیاده نائل مساعده ملت معامله سی تأمین اولمشدر .

کذا اوستریاده اولدینی کی ترکه و سیائر مسائل مهمه ده پروسیه ده دخی امتیازات مهمه من واردر . شهنشدر لرمزك پروسیه ده کی موقعی فرانسه دن اییدر . حاصلی تلاشه یا پلامش ، اويله با صمه قالب ویرلمش . تکرار ایدیه ایدیه وجود بولممش مذا کره ایدیه لرك عقد ایدلمش بر معاهده در . واقعا او وقت پروسیه ده شهنشدر لرمز بوق ایدی . فقط شمعی وار . بناء علیه بو احکام امتیازیه دن استفاده ایتماری لازم کور . واقعا پروسیه به تطبیق ایدلمک ایستیلن احکام بو معاهده دن چیقارمی ؟ کی ترددلرده بولنور ، فقط حقیقه جفنده هیچ شبهه بو قدر مثلا بو ترکه مسئله سی کی

— مابعدی وار —

اولنور معاهداندن بری ده بودر . فقط بو معاهده نك فرانسه و انكلتريه و برلنلردن فرقی واردر .

بر کره بو معاهده اويله بر محاربه و یا غلبت اوزرینه یا پلامشدر ؛ اسکیدن بری و برلن مساعدات طوبالانلوت بویله بر قایتولاسیون وجوده کتیرلمشدر ؛ طرفینجه بویله بر معاهده عقدی تصور اولمش . اولنرك مطالبانه قارشی دولت ده بعض شرائط قویمشدر . بناء علیه بو معاهده نك بر طاقم موادی معامله متقابله اوزرینه مؤسسدر . باشنده بش ، آلتی ماده واردر که بونلر موجبجه پروسیا مملکت مزده قونسلوسلری ایچون نه کی امتیازات آلمش ایسه او مساعدات پروسیاده کی دولت علیه قونسلوسلرینه ده ویرلمشدر . واقعا حق قضا مسئله سی تصریح ایدلمش . بناء علیه او جهتجه اجماع وار ایسه ده عثمانیلر ایچون زیاده نائل مساعده ملت معامله سی تأمین اولمشدر .